

四
書
約
說

孟子約說

離婁章

通章只仁政二字先王道法皆在此君不可不行臣不可不導君以行者先王故曰各四見文字提掇轉變處正須着眼

婁曠皆爲聖人守法者堯舜直是竭心思之聖人了堯舜之道仁政平治都有了不以二句是正說猶言不以仁政安能平治天下而澤當特法後世至此哉

仁心仁聞要說他能行仁政爲吾君不能伏案

愆謂用意過當忘謂照顧不及過正不被澤不法後意

聖人有思必竭有竭隨繼竭與繼相引不窮而仁有不徧于古今之天下乎

無斷曰繼直是仁政卽在竭中旣者更好看非仁政卽竭亦徒善耳

先王固有道在行之第因之耳有道而後可揆有法而後可守無禮無學亦卽無揆無守處

不行仁政病根正在富強城郭等須爲指破

杳杳非什泄泄正見時俗共惡以深刺其悞國之心耳

責難陳善皆所謂行仁政以法先王者

論政多重仁心此獨重法以當日君臣不知有井里學校在

規矩章

句句要認着仁字上以規矩說仁政此復以規矩說人倫卑拈君臣拈治民始指出仁字又甚言不仁之

當鑒聖人固無大仁民耳

至卽至善之至恰好不可那動正是可法處須從仁字出與道二相映蓋有不至便中立可中立便不盡堯舜正君臣之至者法堯舜要從自心做本領所謂仁也血須拈盡字而已矣照至字兩所以更明白掄定仁字了

仁不仁由心達事俱有故口道須說得出此入彼不容髮不中立意

三代章

喚醒全在惡死二字正進以強仁處

愛人章

各自反實實有本領作用在即此是正身卽此是天
下歸凝命祈禱總不出此了

不得反求上已道過只以有字皆字模寫無念非求
意其身正而天下歸須不得作了當語所爲輾轉叅
勘蓋不敢自爲正自爲歸乃是反求真精神處
人外無命及外無求詩正非以多福咏君子也

恒言節

約說

八下

三

直是教人理會恒言非爲恒言分疏人有恒言謂人開口便如此非恒人之言也不曰家國天下曰天下國家豈非天下之本在國國之本在家而家之本不在身乎本只一本在無二在恒言正不得習而不察耳

爲政節

不難直是操之有要不得罪政在德教上說盖一國天下慕或可假巨室安能假得吾德教誠足爲巨室慕自無處不洋溢矣

有道章

順卽順受其正之順所謂順天逆天要以人力挽回造化不可以不仁厭絕天心德必圖其大賢勿狃于小故爲政及無敵皆役人而不役于人處

受命便是人役非謂景公能順天正形容人役光景猶幸有涕出一恥在

文王固順天而爲大德大賢者上帝旣命直是天爲文用殷士膚敏真個賢德爲役仁不可爲衆正文王爲政于天下而天下無與敵者國君好仁所謂師文

王曰夫者前師文王已早有仁心仁政在

不仁者章

言正言其所以以返之仁者孺子一歌何當自取
孔子諄諄教小子直可爲聽言榜樣自侮等總是自
取引書更欲卽謨訓爲言耳

桀紂章

與聚勿施正是仁處所爲好仁志仁皆在此爾也直
是得心得民得天下王天下不待言了

七年之病喻暴虐不喻民困三年之艾喻至仁不喻

深仁

自暴章

自暴自棄較自作自取更覺迫切故用哀字

安宅正路固可居可由能居能由者兩人字真自字
生面直要暴棄者一思耳

道在邇節

兩在字直是邇外無道易外無事求諸遠難便不得
爲道與事了親長是點証非推原人人卽天下親親
長長不失其孩提少長知能而天下無餘事若在不

天下上着語仍是求之遠難了

居下位章

獲上等皆本于誠而明善正誠身工夫思則能通正所以明善者天人兩道字正各道字點睛動卽獲上等動乃是誠至思誠以明善正不容已要明字思字實實在獲上等體認正非空空

辟紂章

善養者直是以養民該養老如制田里等所謂文王之政也北海東海便東西南北俱在所謂天下歸之

也而歸正歸仁非就養大老等意非借二老以收天下正舉二老以証天下文王所以爲政于天下曰七年曰必正見仁政非迂濶而難行也

爲季氏宰章

直是大創富強處服者執善戰而加上刑以償其盈城盈野彼必心服故連諸侯等尚不足擬其罪矣

存乎人者章

存照下屢字莫便有言字意觀卽于聽時觀各有知言知人本領在

恭者不侮節

惟恐不順正是以聲音笑貌爲之惡得爲豈可爲直窮所托則不侮不奪之真恭儉出矣

男女授受章

髡將道說到權上孟子辯權歸到道上不援直欲在道枉道便是手援了

邪說湏以仁義援之功利湏以王道援之蓋天下弱正爲無道故言道無援道中固有權在

禮之內無對欲道之內無妄婦

不教章

教以正卽貫善易子便是養繼怒便是責了

古云教以我方勿納于邪夫子曰愛之能勿勞教以正繼以怒都是正理湏拈到勢上所謂不中不才非養不可正是善教子處

爲大章

事親全在守身志正身所獨注者以身事親須以志養親把親志並成爲子身非若曾子不可

大者衆事衆守俱包本則衆事衆守所從出故本字

卽從大中拈出耳

守身要印令事親意不失句見能事已于守身中有
丁

養志正從守身來必請必有直是視無形聽無聲戰
兢真精神處可也正謂以守身爲事親而大與本俱
在此矣

不足節

適間正要定國非不可直不足蓋君心有非適間將
不勝窮非卽不仁不義所謂不正者大人爲能所謂

以仁格不仁以義格不義以正格不正積誠盡力直
在君心上撥轉惟者非推尊大人正剔消適間意
言仁義又曰正者見非煦煦子子之仁義說非字極
精極盡處莫不直指人政矣字正足之象也

不虞節

毀譽原不足憑至不虞求全成何世道人心兩有字
正欲人自勵非爲人作長嘆耳

易其言節

正見無資乃大不幸處

人之忠節

誨人不倦便是成人好爲人師直是上人師未嘗不可爲也

從于子敖章

樂止子失身匪人故直以亦字我字刺他幾日舍館直是影子有罪仍不悟所從之非了

訓樂正子節

徒字可玩求其故而不可得只落得一个餬啜了我
不意更大有悚惕意正子原爲求見來從一非而生

平凡喪道固如此

傳食不爲奉誦歟不可徒只多一子放在

不孝章

猶告直在舜上說出所以爲孝正不爲無後者借口耳

仁之實章

通章直是教人從孝弟上認性

實字與本字不同泛說良心真切猶是管子直指到事親從兄確有可循方是實字真象

事從正在良心發動愛敬懇摯處是也。直是此外無仁義意。

知斯等各斯字逼真實字則生以下更是仁義禮智一以貫之故獨不着是也二字。

大悅章

猶草芥正視在親不在天下所以爲人爲子在此所以盡道在此而須至天下定方是大孝舜所以不可及也。

諸馮章

直是教人証聖于心意

東夷西夷只是極東極西照下中國合在志不在行
是謂行乎中國揆乃心之衡量正志所以行處一直
在聖字上見人則意見趨操岐出不一聖則直是揆
了揆固無不一矣

聽鄭章

悅人便不足平政便有餘非謂濟人不可爲正教以
政濟不以惠耳

平政直是因利利民德怨均所不任意

約語

人下孟

十

乘輿一事當時據爲美談孟子斥爲小惠正是掃却驩虞作用處

視臣章

視各就心上不可知不可言處說如手足直是信任不疑意骨澤正臣心所在全在行聽上發出曲體臣心方見視如手足謂寇讐明乎非君對君言固如此無罪節

可以者過此便欲去不得非教大夫士以知幾正不欲有國者成以知幾耳

君仁節

要在仁義並用上說

非禮節

弗爲者禮義從大人出六人不從禮義出若在禮義上模擬全無是處了

養不中節

養正薰陶涵育便有樂字在曰中曰才曰賢父兄明是身教養只是不養不中不才未便是不肖棄則直成其不肖了故是父兄不賢

不爲節

兩有字正在本領處說不在作用上說而後可以者才情馳騫都無用處了

有不爲從何處來學問德性俱在故可以人字與之

言人節

當如直是莫救了何恁悚惕

仲尼節

只是當爲使爲恰當至好若加一毫意思便如惠如夷直是已甚仲尼所以爲至聖也

言不必信節

要認大人者三字正所謂神而明之大而化之者也
何嘗不信不果但必則非義不必則惟義所在大人
所以爲大人耳

不失節

赤子真心直是神化不盡大人非有加第不失之耳
有多少涵養學問在兩者字正是論大人與論心無
干

養生節

非謂養生可輕正謂送死當盡

深造節

只是要人還原原所謂本來非源流說話得正得原
深造以道直是勿忘勿助於安等自得中一齊俱有
故君子要入深造以道不可補足方並前欲字俱有
實力了

博學節

曰反約便岐博約爲二門反說約便詳說正以說約
了將者合下直是說約正好看一貫處

以善服人節

養人直無意服人。了服天下則心服則王矣。

服人惟恐人善養人惟恐人不善。

無實節

曰不祥不啻等爲妖孽。正好看遠纔真精神處。

徐子章

原泉有本者也。雨集無本者也有本則進無本則涸。
故聲聞過情君子非恥其涸正恥其無本耳。

人之所以異章

叙几希一脉首以大舜爲宗正人心道心自舜開之
後來聖聖相承存此幾希世道人心所由以不壞正
在此

所以異要照註能有以全其性說不曰心曰幾希者
猶言這些子說話直是惕人存存意去則庶民自遠
幾希存則幾希遍布于人間流注于今古矣

仁義正是幾希庶物人倫各在舜明于庶物非以庶
物明察于人倫非以人倫察明察則無不行矣直是
仁義由行出非行由仁義出幾希布满于倫物明是

个存字了

青酒章

有惡音酒等在而幾希藉以不磨是以禹以惡與好
爲存湯以執與立爲存文武以如傷未見不泄不怠
爲存周以兼三王施四事爲存數君子所造于世者
甚大春秋私淑皆此意

得之直得其幾希帝王以來至周公獨開相局整頓
在一朝經制在萬世所以思字兩見若非幾希作對
針語周公千載深心便已抹盡

述德章

述章只一義字盡之天下有王者義著于王述而美
刺具于詩歌天下無王者義竊于伯圖而是非存于
聖經二經始終正幾希存去之關紐處

義皇有易唐虞有書文武周公詩至孔子有春秋
所謂集大成

王者二字孔子作春秋骨子義與取俱在此詩以直
是不關王述雖有亦以一也正爲義字伏案桓文見
非王史見非經孔子據事直書公案止而是非存故

義仍曰其取者借魯史見已意也

竊則謙讓不迫正不必借權賞罰而幾希已昭垂于萬世矣

五世章

王者曰迹君子小人曰澤孔子同萬世不磨者未得非傍徨直企慕意私淑正一心授受獨傳幾希真種外以來仁義都在此人字要看血夫子莫不有焉不學意

可以取節

約說

八下孟

十五

要在可以中辨出可以無來正教人精義處

逢蒙章

端人二字是一章斷案。羿之見殺非干知人不明直是直已不正耳。

西子章

本質惟人自造正不可不淋垢以就潔也

言性章

正是善言性善處

以故言性未嘗不是只要問利不利耳爲本者利便

是性不利便非性所謂本來說話獨佔知者凡故俱
從知做出卽知亦是性之故了鑿便非利行所無事
便非鑿治水治厯皆知中故正

行水便與治水不同通真利字無事利也其所無事
正指性言行所無事要大發智字亦行及亦大雨亦
字更覺自然

之高之遠直是利字真象其故正利之故也天並在
星辰上見千歲日至是前推已往便可后驗將來正
以利言故坐致正見不必鑿正見以利爲本也

公行子章

禮便不是簡君命卽朝廷更壓倒王驩了。

不與言便不悅。皆與言未嘗悅。非王驩果有是非人自多一趨承耳。

存心章

通章只存心二字。君子固爲聖人不爲鄉人者。存心與心存不同。正自有終身意。其存心所謂存之心者。以仁禮存心。直是合天下後世于仁禮括盡通章語意。愛人敬人。所以証吾存心。愛恒做所以驗吾存心。

自反所以緇吾存明是終身之憂何難正是無思了
誰使橫逆者終爲禽獸君子仍謂仁禮未存處舜無
不化之橫逆所以可法可傳我有不化之禽獸所以
爲鄉人如舜而憂始已舜何日可如憂何時已以君
子固見爲終身不如舜耳非仁非禮可以致患如有
正是無字不患直是憂而已矣

有替腴象乃成爲舜有橫逆乃成爲君子所謂道高
一丈魔高一丈正此意

無憂做存不出故夫子亦以憂道爲謀道

當平世章

道同正在當字定之當者地位在是擔荷亦在是禹
稷所行之道卽顏子所藏之道顏子所藏之道未嘗
不可爲禹稷所行之道道同故可易地而拈出當字
本領由已安得不急顏子固已未嘗與焉者兩可字
正說道字

通國章

正是衆惡必察樣子世俗卽通國意三不顧反下不
養戮危反下賊恩誤責善而賊恩章子正自可原以

其善得罪以得罪自責是真章子本末何得以皆稱
不孝絕之

在武城章

要重在曾子能爲了思上先生字及若字便明白道
出師等了道同故易地無不同者

王使人節

何以異正點出上以字要實發同處同耳在做人處
說方開合矚字形性意無干

齊人章

借齊人以形容求富貴利達者直是齊人可羞泣不
重妻妾能羞泣曰所以求者千態萬狀俱在須君子
一眼覷破耳

于田章

通章只一慕字盡之怨正所以爲慕怨則憂不怨則
愁逼真慕字精神處

于昊天直是事親如事天下于父母並言又所謂事
天如事親篇中神脉俱已傳出于我何直是無一能
順意

自耕田以至胥天下。便寫盡終身二字。不我愛爲不
順及惟順更寫盡慕字。帝使等是總說悅之等。是積
說人少等。是縱說可謂備極形容矣。

猷猷者以耕夫被異寵。正儒慕易動處。歸字更好看。
歸根意萬物本乎天。人本乎父母。不愛便是窮了。便
是憂便是不足。解五十直是終身。舜經過多少可喜。
可慕事。而慕固不改。予見直是千古無兩意。
不得于君則熱。不得于親則冷。急宜着想。

按舜三十升聞。已足克諧。那有往田及下不告焚廬。

等事只論舜心不辨事理有無正想當如是文奇心
深處

娶妻章

處父母之變以權處兄弟之變以誠正舜所以爲舜
處

不得娶正舜視無形聽無聲瞍卽不違畢竟不悅舜
便必不娶了不得妻亦此意亦知亦字非堯能體舜
正舜使堯不得不體耳

恂恂正好看情不容已使可印下誠字亦憂亦喜總

是形容天性至情融液無間舜之不自知處

道字正好看誠字繁非愛兄之弟弟實有愛兄之理
彼以愛兄之道來是非以象來乃以弟來天下有偽
情亦有偽理乎

魚不生于水生于使畜者之心象不恭于兄恭于誠
喜者之心君子正不爲世情所窮

立爲天子章

封象正是仁處使吏治國正所以全其仁或曰放正
見舜善成其封非或人未知說話

共工不仁于身，驩兜不仁于君，三苗及鯀，下仁于天下，藏宿二字因追論拈出而已矣。及各也字，正有封無放意。欲字逼真親愛，欣洽處源源常常，直是親愛無容已了。

盛德章

辨臣堯之誣，只舜揖二字；辨臣稷之誣，只尊親二字。口揖堯仍爲天子，安得臣堯曰尊親？所以爲大孝，安有臣父。

民無二王，使人分義凜然；永言孝思，使人良心惻然。

正所以掃却當日誣舜邪說

迹字最妙直將自己意思向前走入詩人心中打并
不啻論其世已也

爲天子父等正借以供其孝旨及以臣其父永言要
發舜終身尊養意下祇載已有了是爲猶云除非是
恁般解更卽書以証其誣了

與舜章

通章以天字作主究竟天心不外民心層層闡發說
天字愈確說不能以天下與人愈盡掃却萬世篡逆

根株

不能使天見非惟天子自欲與人不能亦且使天與人亦不能

示字正換他命字以言授爲命以意授則爲示矣

至於禹章

通章只天與子則與子一句要以禹爲主蓋不有天下與伊周孔子正同禹安得違天與之篇中句句要認天字禹字神脉自清

莫之爲莫之致非寫天字正見禹不能遁天耳

義一正非德表引孔子益見人言妄了

制章章

通章樂堯舜是本領自任重是王意所謂惟以道自正故能正天下若此

堯舜之道正天下之道也樂直是生平夢寐奉以周旋意弗顧弗視不與不取正是樂字實際處直吸盡先覺及潔身意器器正樂之象幡然正欲合天下以成其樂者

天意卽從先覺看出斯道堯舜之道覺民正所謂使

是民爲堯舜之民使君爲堯舜卽在此

良知人所同具故不曰未知未覺而曰後知後覺
思天下等直是正天下自者從樂道得先覺從先覺
認天意非第不敢諉正有真實本領在

不曰潔心曰潔身所謂遠近去就之迹亦無不潔者
正與割烹相反

放伐何等事尹直任曰朕載自毫正禪受對局正是
樂道若在形迹成案上躲閃便是知覺未透

或謂孔子章

孔子不苟主全在禮義二字命直爲人言耳

進以禮等要說似孔子禮義曰有命者猶言得不得亦曰有命耳直是未言禮義必不先言安命旣言禮義必不妄言造命孔子所以爲孔子固若此

于衛指所主復于陳指所主而齊可知

貞子已爲陳侯周臣猶冠以司城宋官必貞子前後皆正人且臣益非癡侍輩已

復出觀近臣一段見人言不足信並不足爲觀人了篇中孔子字入見不苟主便逼真傳出

百里奚章

只從不諫一句看出个知字來。知與知廢必知干主之污。正恐好事者借成君爲直。尋故又從知拈到賢上。極情盡變都從處處說起。直恁的煞有據。

不說他入秦只說虞事。不說他要秦只說事虞正是自造成案。

有奇之諫奚便可不諫。不然只消不諫二字已打倒。生平便拈不出許多賢知來。

使仲無一匡九合終有愧于召忽。使奚無可顯可傳。

終有愧于宮之奇

目不視章

直指出至聖所以異爲千古聖學開宗

伊尹助著一代夷惠則惟風教可傳耳孔子太和元氣雖六經垂憲助與風總不足言是以但結曰孔子也三字明乎三聖不足擬矣

人卽能清夷并其形而清之所以自遜于海濱人卽能和惠并其形而和之所以不却乎祖祿

何事何使直是親見爲堯舜若無事使非君民則是

和非任了

速人等上孟用則字此用而字明是時字樣子大成
及智字俱有了聖之等各句不得倒拈指定清任和
便不相兼時則直與元化同流所謂天運無心而四
時行聖心無爲而一以貫全是神明瑩徹無一毫疑
滯處

以樂言復以射言重重開示非重重模擬總是聖所
以成而知所以集聖所以至而知所以中非有相遜
惟深意

而玉振便是卽始以該終了始終正非先後條理正
非一音兩事字正照條理字如宜清宜任宜和種種
各有不容紊不容執處兩也字正是了當語氣
則巧便是中則力便是至由正所以至非爾力是其
中直是巧字了

知集在知則集可學知中在智則中可學孟子正爲
願學孔子者指一心訣耳

班爵祿章

正見班爵祿爲周先王治天下大典處要認天子二

字。去籍無天子也。惡其害已。惟恐有天子也。天子一位節。班爵大略。名分凜然。不可奸。天子之制六節。班祿大略。多少截然。不可亂。內視諸侯等。則天子之重可知。即附亦天子附之差。亦天子差之相維相制。若此。

聞其略者。王制雖滅。清議猶存。正可以維天子于不墜矣。

天子一位。自位以位人。天子之制。自制以制人。

爵有定級。曰位。五等封建之典。六等命官之制。貴賤

相臨而名分有倫矣

天子之制節對上天子一位段祿之班于天下者從
百里歷數之卽附庸亦不敢輕天子之卿五節對上
君一位段祿之班于國中者從大國歷數之卽代祿
亦不敢苟

大國地方百里正所謂公侯伯皆方百里者復提出
爲卿準耳卿以上祿厚則少殺恐地不足供所以節
國用大夫以下祿薄則不殺恐用不能給所以養臣
廉各足以尤見體恤意

百畝正是井田九人等非以明耕者所入正以準在官者所食耳

先王無游民庶人在官何人亦何祿所謂在公則祿于四郊任事則止于一年受代則復業于百畝且其人起自閭閻畝畝所以開入仕之路其職極于文法典記所以廣器使之途周制具有深意至此

封建井田原相表裏去爵祿之籍諸侯而擬天子去經界之籍履畝而稅什一所謂脩君剝民已不可救時有此略存耳

周亂始于諸侯秦亂始于庶人可得封建井田之利
病正不在制法不善處

問友章

通章只友德二字尊與敬正所以爲友尊賢義同貴
貴正是貴不可挾處

自大夫以遞至天子總無可挾正爲友德立个樣子
非爲獻子等推服也

有挾只自負能下賢便是無獻子正五人有德處師
則尊友則敬事正不敢分其尊敬意不敢不飽逼真

尊字曰士之尊賢明是許其尊賢非以士字少之選
爲賓王酷是友字而其天位等不待言矣王公天子
只是拈出上字義一仍見不可有挾挾便非義矣

交際章

借交際以行道正不爲己其家法通章要以事道爲
綱以義字爲眼以孔子較獵爲証而中間血脉全在
猶禦一段

何心便疑爲泰養恭則指爲尊賢念頭了善用其恭
心以行道濟世正孔子先薄手段故交際執之則公

養按之則際可善引之則行可矣

其所取正非盜而指爲盜曰字更是却之心已不啻發之口矣

以道以禮正是恭字義盡非謂義不可充直說諸侯非真盜耳較獵非從俗受賜非廢義總以爲行道之兆耳

正器而獵較自廢孔子所以能事道禮際而非義可挽不却所以善用今之諸侯也未嘗有所終見爲道正以爲義際可公養與行可並列所謂交際以行道

於季桓等猶各有可見今之諸侯何必盡以禦繩之
猶禦便是非禦然猶禦二字可爲民快心極矣

爲貧章

直是仕以行道意仕字便是尊富便是立人本朝者
非爲貧正是爲行道有時可見爲貧非正所以辭尊
辭富而必審所宜于闢析直是職易稱非謂貧可爲
也會計當乃可爲委吏苗壯長乃可爲乘田孔子正
盡職樣子兩曰字直是惡乎宜乎生面罪言高不使
侵立朝者之職恥則貧仕不足自解免矣

託諸侯章

悅賢二字是通章精神處能舉乃成能養能養乃成
能悅蓋加諸上位便有常職而賜亦可受始以君命
餽繼以有司餽不待言託蓋不必言矣

託餽賜須辨托自我而托于彼不敢者恐嫌于失國
之君賜者自彼而賜于我不敢者恐混于有位之臣
餽則無常數引子思見餽亦有必不可苟處

俟字從亾從民所謂士比于流寓之民則可比于流
寓之君則不可

不恭直是受臣之祿。又存賓師之體。故是倨傲。卒字見發亦不暴意。

不見諸侯章

通章以禮義二字作骨。總是在賢當守庶人之分。在君當隆師事之禮。不見直是召不肯往。意市井草莽便非有官職者。召師等在欲見上說。君不可召。正說士不可往。引子思以証不可召。引虞人以証不可往。召則直是招了。招便非道。閉門則士必不往矣。義卽不可往之義。禮卽不敢見之禮。是以用夫字。路直是

舍此無可出門直是舍此無可出入惟字見非君子
過抗第守而不失耳是字直是認得真捉得定意有
官職便非上則召可故見亦可耳

一卿章

直以未足二字爲關鍵自身爲根基世界運會爲作
用論世所以知人直是設身易地進吾身于古人庶
古人詩書都用得着古人不及友能知則上友於無
盡正不以尚友爲已足也

問卿章

要認反覆二字所謂積誠盡力俱有至使重臣操易位之議忠臣萌去國之思君尚可不聽耶

正者宗臣職分合當如此要從大過處認若去則但曰過耳

杞柳章

病正在一爲字孟子卽從爲字翻出戕賊來遂令告子口塞

猶杞柳猶杯棬只是未爲已爲說話爲仁義已不勝造作以又不啻強合了力卑言義謂義外不待言隨

兼言仁仍謂仁到仁心仁政處畢竟並是外了

順杞柳句最妙明乎仁義是性中生出杯棬是杞柳造成爲仁義直順人之性爲杯棬則戕賊杞柳而非戕其性也謂猶以杞柳爲杯棬是不戕性直戕人矣說到戕人乃是禍曰言可見杯棬說話直是自立論非問辭也

在天爲理在人爲性是以性從生從心則生之靈而不雜于生者也告子第認生之爲性故以杞柳論性謂性無仁義以湍水論性謂性無善不善以食色論

性謂仁內義外總只不認得性字

湍水章

只是辨一決字就則非決搏擊則決之象也湍水直謂性無定體善惡皆由于使然就下直是性有定體善其本然而惡其使然也

把上下字換東西字便自折倒是下便是就非是決故謂人性之善也無不善卽足上語着有字者直是性善一疋而不可移意

在山等非爲不善人分疏正所謂人無有不善也是

以復着其性二字直是爲不善是人無不善仍是性也

生之謂性章

生便單指氣說却遺了人之所以異于禽獸者凡希便恁籠統故只就人物異性折之蓋生之謂氣所以生者謂性生則人物所同性則人物所異

生之謂性謂知覺等卽是性其知覺之善不善則後來做成者生之謂性也添一也字便截却善不善意只落得一个凡生皆性了真孟子雄辨處復借有形

之生質說無形之生氣使告子不得不然犬牛之生
猶人之生必不能謂犬牛之性猶人之性則生不謂
性也明矣

食色章

只以義論性以長論義關要有長之者一句辨倒外
義食色非性不攻自破矣

食色謂性直是當下即是不假安排下長之及嗜炙
皆剔發此意仁內等猶言仁縱在內義終不在內也
白馬白人不同長馬長人不同若必謂非有長于我

且謂長者爲義則彼長之說已謂長之者爲義明是我爲主非有長于我何以說也

長楚長吾益明認長之者爲義不得同長人于長爲何又從仁內拈來謂長之終從長出不覺露個悅字通直說出內字了故卽以嗜証悅一語斷倒且不曰食炙曰嗜炙食口所甘嗜心所好也炙有同嗜旣已謂之嗜矣尚得謂之外乎

孟子十章

總要認行吾敬一句正從長之者得來

在彼在此謂敬因人改殊不在吾庸與斯湏直敬自
吾主乃能因人公都子只不能設爲惡在其敬兄一
語便逼不出他在位說話而庸與斯湏亦不能出了
庸與斯湏便有个時字在故公都子遂能爲冬日夏
日之荅矣

前長楚就同者言義外故以同嗜折之此所長就異
者言義外故以異飲折之前因其明此以其易見者
耳

性無善章

通章只則可以爲善一語卽性可以爲善其無善及有性不善二說不割自明矣中人皆有等五有字反性無善無字廣有性善有字直是明性可以爲善不可以爲不善也括才情說是卽性以該情與才非以才情言性觀引証秉夷故好懿德自見言好則思與求俱在所謂情在才亦在所以証好善愈的是有善非無善愈不待言了

今日二字于上爲告子曰或曰等作應于下爲詩曰孔子曰作伏案耳皆非已明知三說有非了

乃若非從爲不善開說直從性善說來謂性善無可
見情則性所動可以爲善不可以爲不善故爲性善
如所謂見孺子本念若轉念時則是情非其情也是
以可以爲是情能爲是才知皆擴而克之便是有思
有求盡其才了

若夫二字以上爲字已說過才字了言性便不離心
言心便有思求工夫此情與才之關鍵正性善之的
有可操者有便非無皆有便非有善有不善故可以
爲善不可以爲不善仁義禮智是盡个善字非外樂

是盡个性字我固有之是盡性善二字總是道現上
仁也四也字非深一層說話弗思指出爲不善緣故
見思則求求則盡非但不罪才直爲不盡才者轉頭
要能思能求能盡其才正是性善故才亦曰其才耳
告子與或曰何能當得詩與孔子故只添一必字也
字兩故字三說便無躲閃處

引詩拈一天字卽天命之謂性并性善源頭指出引
孔子贊詩拈一道字卽率性之謂道并情與才源頭
指出正子思子嫡傳勿得草草看過

富歲章

正以類同斷心同以心同斷才同實是發性善却只拈心說所謂性不可見心有可指說心正是說性玩天之降才及性與人殊自見曰陷溺曰先得直指出聖凡由同而異關鍵正不得罪才了

子弟者少成若性之意暴乃暴棄與賴字對天之降才明是性字陷溺其心心卽性所以統才心溺則性失故不能盡其才耳

楚麥性同故生與熟皆同同類以形言相似以性言

相似就在同類中勘出舉則無不同矣疑字正不能盡才根抵何獨與後獨無正同字生面不曰我與聖同類曰聖與我同類正以我作主而謂聖人同之較人皆可以爲堯舜語更親切者字正人字言人而性不待言矣非人外補性

屢正類字之象借以引起口耳等易牙師曠爲前後聖人吸應

至于者心運于口耳等而爲之主有同然竟不待言了正妙在何也二字直是使陷溺者自思自問謂者

猶言卽人人所共謂之禮義兩也。字直是此外無同。然先得只是有同而得先正對陷溺謂陷溺後轉頭則聖人便爲先得。若謂聖人比人先得則直是不同了。是以先得曰我心論我心非論先得仍是同。然說話不曰我心悅禮義乃曰禮義悅我心。逼真不期然而然。光景恍字更盡出然字親洽不容自己處。

牛山章

正教人存心以養性。關鍵要在氣上。使氣不至格人。則氣仍爲性而所動卽情與才。又何至無仁義之心。

哉

大國正斧斤牛羊所自來山猶可以性言則人無性不善益可知矣

存之則爲存心去之則第可謂存乎人者正好看人自牖亾而仁義尚未嘗違心也所以放卽下好惡是曰氣者心伐不得不寄命于氣旦旦而伐不得不寄候于氣其實氣卽心也故曰其好惡幾希正是有字正以見宜有不宜舍乃仍以所爲牖亾之且反覆而未已雖存乎夜氣而夜氣直不足以存人見則已

不能見矣禽獸便是無才違禽獸不違猶僅謂未嘗有才非情正非性亦非心了

夜氣與平日不同平日是已覺時雖是氣非心然尚做主一半至夜氣直是沉睡時一切性情等全靠在天上了到夜氣不足代爲存煞甚可憐

養須要得正在所以放處用心則可以養可以長以消長言正不可以有無言也

操乃練習正養字工夫非無字只是走作逐物便是存心正是出入係操舍故無定明是說心下第添

惟字耳

操存直是通乎晝夜正此氣翕聚作用處然操于何處下手平旦夜氣已指以雞鳴爲善之所以分矣

不智章

直是以智啓王心易生正好看智字所謂人心善端一覺便生萌正生字心志智之府吾見亦罕便是不專心致志了雖聽并吾見時王心仍不在吾也

秋陽暴之是孔子至聖處一日暴之是齊王不智處

熊掌章

豹龍

入下並

羊人

通章只本心二字取義是本心舍生取義是辨處。頭四節平起側注順翻倒轉兩有甚兩莫其兩由是。曰故不爲曰故不僻曰如使曰凡可曰何不曰有所。拿定一个義字貫串于欲惡生死之中掩映虛舍全。不點破令人反覆讀之良心天機生動欲舞將啼蹴。不屑之念戚然不自禁而萬鍾何加之心瞥然頓冷。下半篇已吞吐逗漏盡矣。

欲字正是本念須說到生死必不可那動處方是本心。

聖人則先得賢人則勿喪衆人則危迫時激而偶醒
晏安時溺而不覺

人情急則見禮義緩則見嗜欲行乞不屑是風波中
砥柱萬鍾不辨是平地中坑塹

何加非謂無當于生死正謂求增于身以外也卽官
室等意何字正令其辨鄉爲等兩兩比勘正示以辨
已字失字更可謂痛切極矣

仁人心章

只一知字爲求心真訣非論學問說話

心直是虛靈不昧路直是明白洞達俱含有知字意
其路兩其字正指人字自有自昧所以可哀哀正憐
其不知若知而故放則可恨非可哀矣

雞犬正形知最易處非至此始有不知意

求其直是知字知心在何處放便知放在何處求一
了百當故曰而已矣方爲道字不然則學問亦直事
耳正以求放心該學問非以學問盡于求放心也無
他二字正須着眼

無名章

爲指不若人便是知惡心不若人正幸有知指在故
拈來比勘則指之知可返爲心之知矣若直罵何爲
養有所以養急須要知思正所以知故欲以知及不
知以能愛及所甚愛耳甚字更有悚惕意

兼所愛章

直是善養正在能考獨拈飲食見飲食害大尤甚耳
于已取正是所以考了善不善直是所由以大人小
人意有貴賤兩有字正考于已而見者無害則善矣

無以小害大等便是養其大者爲大人尺寸之膚盡
爲天地所不可少小人只成个尺寸之膚耳

場師狠疾是養小樣子拈知正爲考字真訣賤則直
發養小者以羞惡了無有失正決其失安有口腹非
尺寸之膚乎

說到口腹上便把飲食人一語掃盡

鈞是人章

先立正所以能從能思正所以先立從者只大體爲
主便爲大人從小則直小人矣耳目以官言直是職

視職聽不思正不能思下心官啟用則字思則得即
思即得正見心爲大體先立者立則我能爲主先則
待物之來不能奪所謂從也此及而已矣正從字其
象

天爵章

古今之爵自合古今之人自分學術淳漓事功真僞
世運升降皆在此

有直是人有所故各加者字仁義忠信是善字正是性
樂正是情不倦正是才古人之脩過真不倦借脩以

要並不得爲樂也棄則不帝倦矣終亦必亡非代爲
人而計正與轉今人處

欲貴章

有貴有字要拈到實處照下飽德及施于身意能思
所以能有正不必欲人貴矣非良貴正謂其可賤飽
仁義施于身誰得而賤之不願正不欲之說也

仁義從德字來聞譽從仁義來身卽已字施則有本
而章者兩所以過真有字

勝不仁章

仁勝不仁正在爲處說杯水直是爲不力非不可爲
不熄非不可勝也謂水不勝則爲且爲不仁用矣
何待言

五穀節

必熟方謂仁乃是亦字在字乃是不如莠稗真脉熟
之本領學問俱有夫仁要說在大美處

教人射章

總是上達不離下學千聖相傳正傳其可傳者而不
可傳在其中矣

系言
各志字以字俱有不能外不容己意

任人章

只要本末二字便是持平任人蓋食色性也之意禮
重者禮正所以善食色無禮將無世道並無食色了
饑死不得妻正是取食色之重禮食親迎正是比以
禮之輕者所謂不揣本而齊末重輿羽于鈞金也奚
翅食色重者直是禮並可廢矣惟是可饑而死而兄
臂必不可終妻可不得而東家處子必不可摟則禮
得其本重者而食色之重者亦誦矣

曹文章

爲之二字正此意要領弗爲及所不爲正相應服堯
等與歸而求之皆所以爲之也指出孝弟正爲字下
手實落工夫處

湯文正爲堯舜者食粟便有不勝意弗爲正畏其難
所不爲則忽其易耳率性謂道聖人之不思不勉不
學不慮之知能盡之矣所謂堯舜不出孝弟孝弟不
外徐行也堯服等正在孝弟上說服堯等正爲字是
堯便無不勝了從服說起正由形引入行處若真个

想

方物得
無字

以服論爲與十尺九尺等說話何異單言堯而遺舜者舜亦是行堯之行也繼堯者舜繼舜而堯者子不然則桀矣夫道便指孝弟大路直在良知上說歸而求之孝弟卽吾師已

小弁章

怨正所爲慕慕正所以爲仁固不得以凱風小過不怨擬之

親親卽慕字下過大及不愈疏忽意俱有愈疏者親既疏我而我復恕然不可憐乃單指子邊說耳至孝正

仁字小弁之怨有得於慕親之遺意耳

按平王卽位不報父仇反德犬戎仁孝等說話故是就詩論詩耳

宋怪章

罷兵一說志在安民便是仁義了若以利爲名未有不害其仁義者

怪以利害論利害孟子以仁義論利害王伯之辨公私之別正在此

志卽指字號不可便足害志以利說及以仁義說兩

約說

六下孟

四十四

以字所謂志不易但換其名號懷正從樂出懷利未有不終去仁義去利則懷仁義以相接愈不容已各要說得去字醒懷字便十分精神所謂不去不得爲懷正王與亾所以不同者曰利正明拈號字何必者非惟不可直亦不必若曰仁義未嘗不利仍以利爲號耳

居鄉章

直是享湏役志處守爲相四字已爲得之不得之定案兩不報是未及報至他日則報不報分矣儀卽志

字不役志曰惟者明是論役志不論物並不論君相
了不役志便不成享所以不報儲子也悅正應前喜
字

先名實章

通章只道趣二字。凡幾孟子一步緊一步始以爲名
實未加繼則謂不必能加終則直謂無可加矣却不
知未加正緣不用故卽三子拈出不肖汚君及桀等
見遇非其主已逼露不用意下虞不用及孔子不用
更明白道出了

夷似自爲患似爲人尹似觀望于自爲爲人之間故
曰不同道何也及曰字直是闡發三子當日躊躇懇
摯處正趣字真象仁卽髡所謂仁尹患易見伯夷不
以賢事不肖豈非以賢望天下意不論名實著與未
著總爲萬物一體之心也

舉百里奚直指明用字一伯佐有關興亡况不爲伯
佐者一

爲魯司寇正照三卿意曰不用便見齊不能用猶待
燔肉後行便見已不爲小丈夫處知不知皆不識孔

子以不用去微罪。正不欲顯不用之失。苟去則仍不能微了。見三卿非我志去齊非忘齊所爲。正是仁處。衆人安得知之。

五霸章

正以王道維天下意。天下不可一日無王。五伯假諸侯僭大夫尊。諸侯以僭者各定以罪。王道所以至今存也。

王莫大于征伐。伯莫大于會盟。今并會盟之禁而好之。便是惡了。

則有等明是權自天子出公然討而不伐了

申明五禁要得挾天子以令諸侯意

五伯之罪人今之諸侯之罪人皆不足爲三王之罪人矣

慎子章

殃民正照仁字踰制正所以殃民道字直從踰字說出

引正多方誘掖意務字與而已吸應見殺人必不可爲也

魯非齊敵故有一戰徒取之說見其殃民必矣

今之事君章

爲君求富強正爲君樹民怨不但民賊却直是賊君
了

直說到雖與之天下富強便灰冷矣

今之道久而不變直是俗了鄉道志仁正變俗捷法

取一章

先王定制什一可見人倫君子國用必不可多必不
能少正爲萬世常法若可議減便可議增反爲橫斂

約說

天下孟

四十七

借口耳故結到欲重上煞有深心

治水章

治水有道禹行水丹逆水正水所以必不能治處

不亮節

不言信而言亮者只在見理精明處說故爲可執不然直是責君子以硜硜了

魯欲使章

正子所以可喜者在能好善所以能好善正緣其爲善人故強智聞識不足爲正子律也

以一善爲天下便不足合天下爲天下便有餘。
予旣已知見不好善強智聞識反爲病根。則善不
來告直是我距了士不來而人至矣。

就三章

三就無優劣所遇不同耳。去各伏于就中正見不苟
仕處。

有禮便機有可通吾恥正心有可原總亦非苟就者
而已矣。要拈出去字。

舜發章

發舉等各有大任在。獻詒等各有苦心志及增益等。在下第剔出故字。必字見聖賢所以善承天心耳。大任須要能必本于心性。心靈而能應動者。所謂寧極而活潑。性寂而能止忍者。所謂變化而藏密。所不能要認是人字。能正不可易言了。

非過安能困衡。安有徵發。仍是天心成就處。無法家兩無字境。與心俱有。乃是

說窮故言天說過故言人。總是愛患復曰安樂者。正見爲愛患人提醒。並足爲安樂人悚惕耳。

多術章

不屑亦教術多可知所以有教無類

盡其心章

事天立命正所以盡心非知從何處做起故知性而天無不知存養正從知來不貳更明是知字了所以能脩身以俟也

獨于心拈盡字蓋就人指身就身指心而性天命始不落虛浮不着軀殼并知字亦有下手處

盡心直如保四海須是認取各端所謂知皆擴而充

約說

本下五

四十九

之也。曰其者。心原包有性。天在者。字指人而事天立命。已全在此。知性便是知天。故着則字。

以成功言。故曰盡。曰知以用功言。故曰存。曰養存。恰好用。在心上。養恰好用。在性上。其實存外無養。故總爲串天。猶須從歿壽說。修從不貳說。候方是存。養着實處。方是命。從我立。而天性俱在我所爲。盡其心者。莫非命章。

盡道正所以順受。知命正所以盡道。心性妖壽總是命。命安有不正。只不能順受。便非正。故曰其正。又曰。

正命非正命並去其字直是命聽于人了

不立巖牆便存養便修身

求則得章

知在我便可求在外便不可求從益不益拈說正使
妄求者轉念耳

曰得失見我自得失非別有損益曰有道有命已明
指以道與命矣

皆備章

皆備正所謂在我者也萬物如何備得正從誠與仁

約說

入下孟

五十

處說身字從我字來行正我所行者大字近字俱照
舊物字

求在我及皆備皆言我不言心言性直是必不容諉
意

不著節

行習正由字不著察正不知其道曰其者道原在行
習中便已示之著察了

習另換一矣字終身意逼真傳出了

無耽節

拈人字重不可無恥便透下句直是言非証合

恥之於人章

不曰人于恥却曰恥于人正見恥爲固有惟人所用
無所用恥便是不恥便是不若人了

賢王節

說士自重正見君當重士曰古則企慕者深矣
致敬盡禮正所謂樂善忘勢處

好遊章

通章須在遊上論莫泛作窮達話頭兩亦字知不知

系言 一 二 三
自變器器自常正非臨時取辦者故下達等俱從窮
來斯可以煞有理會尊在德不在勢樂在義不在利
本領學問俱足持世故直進之以士而慨然與見古
人了不失等句句要是尊樂真光景句句要是器器
真精神始爲得之

待文王節

直以與不與分凡民豪傑之品非以凡民豪傑分與
不與病根只一待字能勿待便人人豪傑矣

韓魏節

附者于自無干于念易動自視便不視韓魏欽然正
有大干富貴處舜禹天下不與孔子浮雲不義正在
此如乃盼望說話已寫出過人真象了

佚道節

不使不能佚不殺不足生正是道字兩以字有無限
苦心妙運在

驩虞章

直是論王伯所以異非以驩虞皞皞盡王伯也

曰伯者便是假仁假義安得不成個驩虞王者已有

過與存者在民安能不皞皞不怨等正所爲皞皞殺
之等正所爲王者直是化與神了故用夫字所謂不
動而變不行而至其實神所以爲化存所以爲過天
地以不貳爲不測王者以天德爲王道直湏拈出同
流見皞皞真種子若謂神化無不到直是四方與天
地同大了小補正說驩虞謂所滲漏者甚多也非從
同流生來何得誤認竟以同流作大字
有殺等可言所以爲王民無殺等可言所以爲帝德

仁言章

治道只有政教兩者發則爲言播則爲聲善政善教正就仁聲中拈出得民乃所以入民者故仁言等再小消贊一語了

善政從仁來畏則奉法惟謹耳得民財直反無政事則財用不足看要無說壞善政及畏等則所以形容善教者益至矣方總是得字說話

良能章

劈頭說个人字孩提正人之初天下盡人之類矣所不學要有兩所字直指天命之初言政良字本體

故曰其良兩者字也字更有合下卽是意知愛兩知
字有能字在無不便直是達之天下了仁義性之善
政良字親親長長便是仁義非謂仁義之發故用兩
也字故曰人之所不學不慮而知能者其良知能也
達之天下仍只完得無不二字無他正當下指點真
精神處

人但認得良字始知爲仁爲義大人仍是赤子爲學
爲慮工夫仍是本體耳

居及兩與字正靜定淵微光景江河處固在此故舜之異直不自爲異渾化處若非所以并幾希亦不可言及其是從淵微爲決沛非以決沛說淵微兩一字在人爲一言一行在舜爲全體所謂舍已樂取執中用中若此是以曰若曰莫能禦也

易曰無思也無爲也寂然不動感而遂通天下之故非天下之至神其孰能與于斯正此章註脚

無爲節

明知不爲不欲而不免爲且欲者只是轉念葛藤耳

第認得兩所字便是不爲不欲本念常醒一刀兩斷
省却多少牽係轉徙如此者所謂本體工夫一齊都
了故又曰而已矣正教人于所字處下手也

德慧章

慧本于德則慧不小知運以術則知不窮正下達字
恒存固有操危慮深在下第証以孤臣孽子耳疾疾
未嘗爲不幸也

事君章

各有字者字及者也字只問問論臣品而君所以用

臣與臣所以成君已逼真寫个榜樣在事君人直以
事爲人了則者所謂只有容悅一念耳安社稷臣與
忠臣良臣不同正深計遠謨務使社稷必無震憾意
天民非無意大行以不輕行成其行于天下耳大人
者則人之盡矣正已物正臣道君德一以貫之者也

三樂章

始終以王天下相形直欲剔清性分真樂處存者三
樂常存無碍而王天下不得與正下章所性不存意
若并髦天下便是巢許輩且與下章君子樂之犯兩

系
古矣

俱存無故要在孝友得致上說若不關着君子則直是微有天幸了

不愧不忤與無愧忤不同正本領學問處教正所以育守先待後俱在此各樂字要入王天下意

廣土章

道可行故曰欲道大行故曰樂然特性之發而非性所有不如不損意已有了故下用雖字不加損便是定得于天者自定君子第不爲加損焉耳乃是故字

性人人俱有獨曰君子所性正謂有深根滋長工力
在拈出仁義禮知及而背四體等種種正爲廣土等
對照形容可欲可樂意

根于心及生色等俱要說得渾成工夫已在君子二
字內不言直是神明默成動中天則了

北海章

要專在養老上說與前二老章論王政不同

伯夷太公皆仁人蓋皆以天下爲心也蠶之等見匹
婦匹夫可辨非迂濶難行無饑不使老者有家食之

終論
慮並以見無饑足耳斟酌詳悉故爲善養復着所謂
二字明是上已指文王說故伯夷太公當日所謂善
養正在此益見養老足法了

田疇章

正好看仁天下真訣

民不能仁皆由財盡上實有以使之易田疇等正使
救粟如水火處

易與薄便有暇日以脩孝弟意時與禮逼真足教化
了所以仁民者已無不盡故下曰民焉有不仁者乎

以時以禮直是非時不食非禮不用無弗與儘有仁
字意治天下正所以納天下于仁也

東山章

總是善學孔子處登東山等使人眼界一空觀水等
使人尋求入細成章則直使人腳踏實地耳只拈出
孔子二字逐物形容隨方合變文法文情可謂妙極
無上

登字便是盈科後行影子登只自處觀則人所見者
是以用故字言較水亦客中主非以此盡孔子也瀾

約說

下通

五十七

非本觀瀾可以知本明則照之本也都是在明白易見處說盈科成章俱從本拈出志字見求大于孔子不如求大于自心也章卽闇然日章大賢以下皆露精彩故以章言若聖道渾淪只可言大故湏達耳

鷄鳴章

以舜爲主以介于跖危之關鍵在一知字尤是爲舜真種

起是起念鷄鳴非平日說話只人醒眼時所謂一日之始也以終身懸于一日以一日懸于最初已逼真

傳出間字了兩徒字不但走上路直是成其品舜與
跖相去最遠分處無他欲知第在利與善間求耳
既曰舜與跖舜字在上見主意又曰利與善利字在
上見工夫善方萌利已伺其間非急提良知狠力下
手未有不轉念者故孳孳必不可已也

楊子章

直爲仁義尋至中處非爲三子辨也

拔一毛及摩頂等是說楊墨執一處執中卽爲我不
至如楊兼愛不至如墨權卽惟精惟一說話子莫少

个精字故仍是統一

廢字要認如孔子當仕而仕其止與久速道理依然俱在到用着時便因而付之若執宜處處成非并所舉都廢故爲廢百若爲我但害仁而義仍在直是舉一廢一了

甘食章

病根只在甘字兩有字正甘所盤據及從來處故不曰爲害曰有害亦皆者口腹受害而心亦從之逼真爲心害了能無以者直是拔斷病根本領學問在此

造位無上亦在此矣

三公節

要在和上想出他介來正不使同塵者借口耳

掘井節

爲不竟其成直是前功盡棄尚得謂之有爲者乎

性之章

各之字勿指出仁義便有許多妙理在性與身俱要
照非有意假便是非有歸字可見五伯一生只是流
落了性字身字愈痛快矣

不狎章

只予不狎一語便是使君堯舜便是伊尹之志兩大
悅是志已信于天下了有者直說到弗顧弗視隱微
處更拈出簒字而君臣之防愈嚴矣

素餐節

居便當不得仕字用之卽用其言從則守其教兩則
字正功不可測不可沒處惟以主持世道自任故不
甘混迹于耕耳

士何事章

直是盡事於志士之事所以獨大尚志者無限經綸
皆從志起以尚志爲事非志外有事也仁義對功利
說便是尚而已矣見此外無志事真無以尚了非仁
兩非字正剔仁義極精處乃見尚字精神兩是也直
是不走一線意大人事備卽在居仁由義勘出不在
異日作用上

仲子節

弗受齊國非小只以親戚君臣等視之則小耳仲子
當亦心折

桃應章

非桃應不能問非孟子不能答假使殺人一問第應以替輿底豫一路許多經濟便一筆抹殺聖人守法聖子愛親天理人情至極處誰人曉得

移氣章

移氣一嘆逼真道出廣居光景引魯君以証王子何也蓋侯王之居彼此有以相似居天下之廣居者孰得而似之更逼真况字精神矣

弗愛章

未將非什恭敬字正見幣帛不可爲恭敬也若以幣帛爲恭敬便非未將便是無實又安能虛拘君子拘者見豕交獸畜皆拘之也

形色章

以盡性如聖人而僅謂踐形不盡性直是負形耳如耳順方是踐耳不言而喻方是踐身

形色爲性是引形氣入天命中來食色爲性是逐天命出形氣外去

爲菴章

能孝弟自不至欲短喪雖加一日逼真寫孝字出

所以教章

曰五便見無棄人意所以教更有多少委曲成就在各有字正君子無已深心與因人妙用然無積何化無德才等又安所用成與達等受教地正不可少

道則高矣章

正教不可貶爲可幾及直欲改繩墨變殼率了不發非不能發一發便爾索然放隲如卽在不發內中道而立卽在躍如內曰中便非不可及曰立便非可貶

能者一力擔承意從則與之爲一更何等渾合何等
省力

有道章

殉字直恁痛切殉身殉道正所謂進退在己以道殉
人并不得爲道矣

滕更章

指出挾貴挾賢所以荅滕更者已盡矣

不可已章

窮人情必至之弊故漫不事事與慘刻少恩及急遽

系言
喜事者無一可者也。

君子節

弗仁有用其仁者矣弗親有用其親者矣。

從物返來親有獨鍾從親推去愛有必遍把爲我兼
愛二病一齊都盡。

無不知章

總是教人君以知務語雖平對意實側落急者舉一
以該全非掛一以漏萬知急當務親賢亦曰務可見
仁智未嘗不合又曰急先務直是當務中有最先者。

明是拍親賢了故堯舜正知務樣子不能三年等正不知務樣子末節單結明乎言智而仁已在矣

不仁章

所愛子弟一語直恁刺中如保赤子正從此念推出不仁說話非爲梁太子正爲梁民也

春秋章

征者上伐下正斷案律令終說戰便是敵國相征將天子放在何處故曰無義戰

盡信書章

借武成以開發世主仁心非爲讀書說話不如無書
要在借口文奸貽害無窮處說取字及而已矣正不
盡信處流杵一語結合戰國情事不得不急駁之非
弟爲仁人解嘲也

善爲陳章

直是戰無用處能好仁便是征不足戰了無敵正各
欲正己意后我及膽有光景已在此

湯武正國君而無敵于天下當日何嘗用善陳善戰
者哉

大罪正以殃民斷之爲仁字伏案三百等見不恃兵
威意寧爾更過真仁字了

梓匠節

直是卽規矩指出巧字非爲教者傳法正爲受者開
悟門耳

飯糗節

要在舜心體上模寫不加不損的樣子
不曰爲匹夫曰飯糗等不第曰爲天子曰被紵衣等
又曰若終身若固有于飯糗紵衣外逼真傳出一個

真大舜來

吾今節

世主糜爛其民未有不反中其身及其子孫者故以
天道好還懼之

爲關章

古人事事爲民今人事事爲利借法虐民有如此關
又況法之已變者乎

身不行道節

正是修身齊家的証佐所以行無不遠使無不行者

舉在此了

周于利節

周者直本領學問俱到邪世與亂世不同正易爲亂者

好名節

好名之人便非真能諱千乘之人了苟只快辭猶言人既非而名所不在安有不動者千乘單豆等俱是影子

不信章

正是國以仁賢爲本。以禮義爲幹。以政事爲脉。語無側落。意有先後。施爲次第。正自井然矣。

有仁賢而不信。雖衆位具在。徒成空虛。若用小人。則又禍不勝言了。

上下禮義之最大者。財用政事之綱紀者耳。

得國節

正好看國君好仁。天下無敵意。

得國者得于諸侯。彼先不仁。自足失國。如齊之勝燕。是也得天下。得于天下人之心。不仁已盡失人心矣。

民爲貴章

貴正貴賤之貴得民而天子所從出正是貴不但是重了輕則分自在權自輕不愛民而危社稷則變置且加之耳下變置亦是爲民意

貴字奇次字輕字俱奇語出創聞事實恰中真救時藥石

百世之師節

直發出夷惠有功世教處能若是及親炙俱在風足善世上極爲形容從來頌兩聖以品未有模兩聖以

功者可謂識破千古處

仁者人也節

仁便是道但言生意不言生身則道不現故曰仁者人也已合而言之矣非此外更有合更有道也

去魯節

道不同而去異所以爲聖之時

陳蔡節

上下不交明非君子之咎了

貉稽章

只重一士字引詩直欲爲士者湏如孔子文王乃是
盡頭處多口亦何傷

不理正不分是非意愠正多口所從出憎字註謂誤
者從愠字看出憎則嫉惡之意故應從增字耳

昭昭節

正是明德新民註脚冠以賢者直欲尋昭昭根本處
非徒罵今人也

山徑節

山徑一句直畫出个危微真象介然爲間直恁悚惕

系詞
正見不可不用意

禹之聲章

正見論樂者當會其性情本其功德諒其時勢然後
可以見作者精神何得妄肆優劣故文王在千百年
後其追蠡亦如禹耳

發棠章

發棠與搏虎不同孟子又心切爲民者士人何以笑
正笑其無濟蓋齊王久爲負嵎卽櫻亦必不能克耳
接臂下車直描寫輕身市德情狀絕不及虎果能櫻

與否可想發棠必無濟了

口之於味章

只要認天命謂性一句在人爲性在天爲命原自合
一言人不言天是以有生之謂性之說却不知于味
等正有个命在物與無妄卽于知覺運動可認有性
不謂性所以有性善之說也言天不言人是以有性
善性不善之說却不知于父子等既有个性在繼之
者善正非旦晝夜氣可岐有命不謂命所以有立命
之說也只兩謂字所以盡性至命者俱有了

提出安伏及聖人句倒拈明是不謂性命的樣子是以着君子二字點出

浩生章

只要拈一善字作至美大聖神俱可欲處善人人在善信裏而所謂二之中是中便未到美大等了可欲非人欲我直是我可欲善卽帶有人字在看下美大等可見各句俱以善字貫有正有此善也說到已上便實了所以下卽曰充實又曰充實有光輝聖與神有辨如伯夷湯武皆聖人須堯舜孔子並所化

者亦化始可稱神耳句句要是一步進一步却句句要是合下便進步方是欣動正于神脉

逃墨章

受正收以爲用意見好辨者却不足爲距楊墨了

布縷節

只各有字便是下三字見法內正足病民君子只有用一緩二法耳斟酌調濟道無踰此

諸侯之寶節

實便有許多經畫區處在曰三者見此外無可實了

約說

八下五

六十二

仍說到身上通真寫實字真切處

盆成括章

須是聞大道乃足言才耳

上官章

只消設科一段逼肖無類婆心

人皆有章

仁義只達所不忍所不爲便丁充正所以爲達無欲
害人及穿窬正指出不忍不爲真切處又復指穿窬
于爾汝穿窬之類于言不言等所以剔發不爲二字

始盡耳

仁也義也直是全體具足不可勝用及無所往皆就中指言之耳

實指心說有是心而仍甘受便是充士字正要着
琅所謂自其不欲爲之心而求之則穿窬足以爲聖
人自其飾人之意推之則賢人君子有時而爲盜是
也

聖賢說話正自徹上徹下雖仁覆天下亦只免得害
人二字雖義塞天地亦只免得穿窬二字

言近章

正爲好議論而不務脩身者發兩善字正在而字看出所謂近遠約博俱在曰道存曰天下平正見道與平直在不下及修身內俱有了若有意求存求平猶不免有務遠務博之病矣

任正與守字反守則持之于吾身任則不免有揮霍之意矣

光舜性者章

兩者字直是論品下二節不執定堯舜等說

性不從無聲臭上說而直指動容等正示人下手處
可見行法行此俟命俟此
性中作用恰當不易處故曰法而已矣見反在此性
亦在此直是人道亦天道了

說大人章

只背古之制一句若我無此制便直是虛憍耳正好
看浩然處

養心節

存正所以爲養蓋聖人無欲所欲從心學者不能使

欲化爲心。但提心作主。欲便日就消歇。心安得不存。
莫善者。見制欲絕欲。皆非所謂以約失之者。鮮拈多。
欲寡欲兩種人。正爲莫善作証耳。

嗜羊棗章

人于如生。如有這點念頭。終身莫解。觸物益切。獨正。
不忍必不散處。

在陳章

通章以中道二字爲主。正堯舜之道。君子所爲經者。
狂獧以真合中。鄉原以似亂中。一與一惡。所以爲中。

道者若此

如琴張等答所問如字何以謂則又窮其實了已明
說過狂者進取故仍以居今慕古解之不掩非言高
行卑言大行亦大滲漏處不自掩護耳正照下無舉
刺意

既曰如琴張等如何又曰不可得只是難得不多得
意不屑不潔仍有所不爲說話

惟字正照應狂獦意

闕然句是孟子斷案何以等鄉原正不必有惹多說

話只懸模出一段媚世光景爲無非刺等伏案爲自以爲是喚醒處

無與刺正從皆稱來同流合污直用意周旋流污者正媚世處似忠信等所謂似是而非皆悅正所謂善自以爲是便無轉頭時了

復引孔子挾出似是罪案亂德正所以賊德也

經卽德堯舜孔子所傳中道俱在此反者第使真似較然復見至是無非道理而已矣見轉移世道已無別法

楊墨尚爲邪說鄉原閹然媚世邪直匿于心中故下
一惡字

賊民興鄉原出庶民興狂獫狁矣

由堯舜章

直是表章孔子以定道統嫡傳使萬世學者得以適
從意

道在天地全賴知之者使斯世不至不著不察是以
見者爲接脉聞者爲主盟孔子而上歷歷不爽豈至
今日知遂中斷乎

要知五百餘歲一聞接一見則五百歲中皆聞見流布可知

湯非必藉聞于禹臯文非必藉聞于伊尹集大成如孔子益不必藉聞于太公等所謂堯舜至今在也

歷叙五百歲中爲聞爲見遞接遞傳孟子去孔子時任見知則已晚任聞知則已早然而二語直是合見知聞知一身兼之孟子所以終十篇也